

*esse Moysis, probat ex titulo illo, Oratio Moy-
si hominis Dei. At nos in explicazione Psal-
mi superioris ostendimus, Psalmum illum in-
scribi Moysis, non quod ille fuerit auctor, sed
quod David Moysen loquentem introduxe-
rit: & rationem adduximus, cur probabile
non sit, Psalmos qui carent titulo, eius au-
ctoris esse, cuius nomen inuenitur in Psalmo
precedente. Argumentum Psalmi est cohori-
tatio ad fiduciam in Dei auxilio firmissime
collocandam. Id enim in principio ponitur, &
per totum Psalmum varijs rationibus confir-
matur. Forma Psalmi est dramatica: nunc e-
nim loquitur Propheta, nunc homo iustus,
nunc ipse Deus. Psalmus est plenus metapho-
rii, & ideo non minus elegans, quam difficilis.
Quam verò sit utilis, & ad mores formā-
dos accommodatus, vel ex eo cognosci potest,
quod ex vetero Ecclesia instituto, quotidie
in diuino officio frequentatur; idq; ad initium
noctis, ut Deo protegente, nocturna pericula,
boc armati clypeo propulsamus.*

EXPLICAT. PSAL. XC.

I. **Q**VI habitat in adiutorio Altissimi,
in protectione Dei cæli commora-
bitur.

Hoc primo versiculo continetur insignis
promissio, per quam Spiritus sanctus cer-
tos non reddit, auxilium diuinum nun-
quam defuturum iis, qui verè spem suam
in Deo depositam habent. Sed verba singu-
la explicemus. Qui, hæc prima vox signifi-
cat promissionem esse generalem, quasi dic-
at Propheta, Quicunq; sit, siue diues, siue
pauper, siue doctus, siue indoctus, siue pa-
tricius, siue plebeius, siue iuuenis, siue se-
nax: non enim Deus personam accipit; sed
diues est in oēs, qui inuocant illum. Habi-
tare significat, promissionem hanc tam
liberalem non requirere quamlibet fidu-
ciam, sed assiduam, constantem, firmā, ita
ut homo per fidem, & fiduciari faciat sibi
quasi domū in Deo, in quo habitet, & qui-
escat, & eam quocunq; ierit, circuferat, quo
modo testudines faciunt. Vox hebreæ, ia-
sab, habet aliquid maioris energie, quam
verbū, habitat; significat enim etiam se-

dere, quiescere, durare; Itaque sensus erit,
qui habitat cum quiete, & perseverantia.
כָּבְדָל
In adiutorio, vox hebreæ, besether, propriè
significat, in abscondito, siue in loco secre-
to: sed Septuaginta Interpretes explicauen-
t metaphoram, cum dixerunt, in adiu-
torio; adiutorium enim Dei non est visibi-
lis aliqua turris, sed arx inuisibilis, & secre-
tissima, quæ sola fide inuenitur, & penetra-
tur. Vocabulum tamen græcum, & latinū
admonet, confidendum quidem firmissi-
mè esse in Deo, sed non esse negligenda ca-,
quæ studio & labore humano adhiberi pos-
sunt. exemplo nobis esse possunt agricultæ,
qui sperant in eo, qui dat pluias de cœlo,
& solem suum oriri facit: sed interim la-
borant arando, ferendo, n̄ etendo, quia
sciunt eos adiuuari, qui aliquid cooperan-
do faciunt. Altissimi. Multa sunt nomina
Dei, sed nomen Altissimi hoc loco aptissi-
mè ponitur; nam quia Deus est altissimus,
id est, in altissimo loco sedet, ideo omnia
videt, & nullum nostrum periculum cū la-
tet. Rursum, quia nō solū est altissimus, q; a
omnia speculatur; sed etiā quia in altissimo
throno sedet, & omnia subiecta habet, ideo
potest ab omnibus periculis nos eruere. In
protectione Dei cæli cōmorabitur. hæc est
altera pars versiculi, in qua pmittitur: mer-
ces confidentibus in Deo: & sensus est, qui
verè confidit in auxilio diuino, spe sua non
frustrabitur, sed omnino à Domino prote-
getur. Et pulchrè respondent verba singula
singulis; verbo, habitat, respondet, cōmora-
bitur; verbo, in adiutorio, respōdet, in pro-
tectione; verbo, Altissimi, respōdet, Dei eg-
li: sed singula cōsideremus. In protectione,
vox hebraica, bezel, propriè significat, in
vmbra, siue in vmbraculo, vt S. Hieronym.
verit. Septuaginta Interpretes explicare
voluerunt metaphoram, & ideo yerterunt,
כָּבְדָל
In protectione. Deus enim, sub vmbra ala-
rum suarū instar Aquilæ, vel Gallinæ pro-
tegit confidentes in se: potest etiā vmbra si-
gnificare gratiam & fauorē Principū, quæ
vmbra facillimè, & longissimè protegit;
vt etiam ceruus quidam vbiique securus li-
berè vagaretur, quia scriptum gerebat ad

Vuu 8 collum,